



PLATNI BILANS

Nema naznaka da će doći do krize, ali ni mjesta za optimizam

u milionima KM	1998	1999	2000	2001	2002
I - TEKUĆI RAČUN (1+2+3+4)	-2.053,8	-2.645,4	-2.532,4	-3.285,4	-4.337,2
1. ROBA	-5.482,4	-6.052,5	-5.566,6	-6.374,3	-7.022,7
Izvoz robe, fob	1.168,2	1.526,9	2.491,4	2.494,4	2.296,5
Izvoz robe prema statistici vanjske trgovine	1.043,0	1.375,6	2.264,9	2.267,9	2.099,2
Prilagodavanja (obuhvat, vrijednost i sl.)	125,2	151,3	226,5	226,5	197,3
Uvoz robe, fob	-6.650,6	-7.579,4	-8.058,0	-8.868,7	-9.319,2
Uvoz robe prema statistici vanjske trgovine	-5.119,9	-6.047,9	-6.582,6	-7.331,4	-8.168,1
Prilagodavanja (obuhvat, vrijednost i sl.)	-1.530,7	-1.531,5	-1.475,4	-1.537,3	-1.151,1
2. USLUGE	256,7	190,1	217,4	239,6	136,0
Izvoz	600,4	587,6	619,3	658,0	622,5
Uvoz	-343,7	-397,5	-401,9	-418,4	-486,5
3. DOHODAK	751,1	714,8	669,3	696,9	534,8
Prihodi	846,7	835,2	832,3	865,8	705,8
Rashodi	-95,6	-120,4	-163,0	-168,9	-171,0
4. TEKUĆI TRANSFERI	2.420,8	2.502,2	2.147,5	2.152,4	2.014,7
Prihodi	2.425,1	2.506,8	2.153,4	2.160,0	2.072,3
Rashodi	-4,3	-4,6	-5,9	-7,6	-57,6
II - KAPITALNI I FINANSIJSKI RAČUN (1+2)	2.086,7	2.623,6	2.520,8	2.752,4	4.130,2
1. KAPITALNI RAČUN	765,8	976,5	862,4	846,4	789,8
1.1. Kapitalni transferi, prihodi	765,8	976,5	862,4	846,4	789,8
1.2. Kapitalni transferi, rashodi	0,0	0,0	0,0	0,0	0,0
2. FINANSIJSKI RAČUN	1.320,9	1.647,1	1.658,4	1.906,0	3.340,4
2.1. Direktno investicije u BiH	117,4	324,5	310,1	274,2	586,0
2.2. Portfolio investicije	0,0	0,0	0,0	0,0	0,0
2.3. Ostale investicije	1.351,5	1.910,2	1.513,2	3.297,2	2.509,3
Aktiva	-16,4	403,8	827,3	2.775,0	1.694,6
Pasiva	1.367,9	1.506,4	685,9	522,2	814,7
2.4. Rezervna aktiva	-148,0	-587,6	-164,9	-1.665,4	245,1
III - NETO GREŠKE I PROPUSTI	-32,9	21,8	11,6	533,0	207,0

Nema većih naznaka da će doći do problema u servisiranju javnog duga ili valutne krize u BiH, iako nema mjesta ni za pretjerani optimizam. Veliki deficit tekućeg računa karakteristika je većine zemalja u tranziciji, te BiH u tom pogledu nije izuzetak.

U 2002. godini, deficit tekućeg računa povećan je na 4,3 milijarde KM, odnosno za 32 posto. U apso-

lutnim brojkama, deficit je povećan za jednu milijardu KM. Od ukupnog povećanja deficita tekućeg računa, najveća promjena uslovljena je povećanjem trgovinskog deficita, koji je u 2002. godini bio veći za 649 miliona KM u odnosu na 2001. godinu. U suštini, ogroman trgovinski deficit od sedam milijardi KM lako može biti označen kao glavni "krivac" za neravnotežu u tekućem

računu. Deficit tekućeg računa je, nesumnjivo, veliki, ali se postavlja pitanje koliko je veliki u odnosu na ostale ekonomije. Nedostatak podataka ne omogućava precizno poređenje podataka koje ima Centralna banka BiH (CBBiH) s onim iz ostalih država, no raspoloživi podaci potvrđuju da je on vrlo visok.



Postojanje deficita tekućeg računa ne predstavlja automatski ekonomsku katastrofu za neku zemlju. Prije svega, deficit omogućava da u zemlji domaća potrošnja bude veća od domaće proizvodnje (a to je u BiH neophodno). Osnovno pitanje koje treba postaviti u zemlji sa visokim deficitom tekućeg računa je kako se on financira. Prema definiciji, deficit jedne komponente bilansa mora biti financiran suficitom druge komponente platnog bilansa.

Podaci za 2002. godinu pokazuju da je 4,3 milijarde deficita financirano sa 4,1 milijardom suficita kapitalnog i finansijskog računa. Bitan faktor u financiranju deficita tekućeg računa su direktne strane investicije koje su se u 2002. godini više nego udvostručile u odnosu na 2001. godinu i ovakav trend se može očekivati i u budućnosti. S obzirom na činjenicu da ih ekonomisti smatraju dobrim za ekonomiju iz više razloga,

direktne strane investicije je potrebno ohrabriti, te na taj način umanjiti brigu o izvorima financiranja deficita. Osim ova dva faktora, šest posto deficita financirano je smanjivanjem međunarodnih rezervi. Kod ocjene deficita tekućeg računa treba imati u vidu i kvalitet podataka o platnom bilansu. Sastavljanje platnog bilansa je veoma složen poduhvat, izvori podataka nisu pouzdani, podaci se često mijenjaju i potrebno je mnogo uraditi u budućnosti na poboljšanju kvalitete podataka. Stoga podatke koji se prezentiraju treba uzeti sa dozom neophodnog opreza i tumačiti ih tek kao trendove u razvoju platnog bilansa.

U bh. privredi su uticaj rata, tranzicija iz socijalističkog sistema i dezintegracija zajedničkog tržišta stvorili negativne šokove u ponudi i potražnji. Struktura bh. ekonomije se brzo mijenja, te ne postoji osnova za poređenja sa ranijim periodima.

Potrebe u smislu rekonstrukcije i razvoja u BiH su ogromne i ekonomske osnove se stalno mijenjaju. Stoga nije iznenađujuće da je BiH od 1998. godine imala deficit tekućeg računa, ali je jasno da veliki deficit tekućeg računa neće biti podnošljiv u dugoročnom smislu, ukoliko ne budu ubrzane strukturalne reforme, izvoz roba i usluga ne poraste i dobije stabilan kurs, a stope rasta uvoza se ne smanje.

Drugim riječima, na osnovu dostupnih podataka vanjska likvidnost BiH nije upitna, a omjer servisiranja vanjskog duga je na zadovoljavajućem nivou. Monetarni sektor u bh. ekonomiji sada ima mnogo jaču poziciju prema stranim ekonomskim subjektima nego prije dvije godine, tako da, barem za sada, nema većih naznaka da će doći do neredovitog servisiranja javnog duga ili valutne krize u BiH.

CETVRTA MEĐUNARODNA KONFERENCIJA CBBiH

Uloga currency boarda u monetarnoj politici: Istorija i praksa

Međunarodnom konferencijom pod nazivom "Uloga currency boarda u monetarnoj politici: Istorija i praksa", koja će biti održana 11. aprila/travnja 2003. godine u Sarajevu, Centralna banka BiH (CBBiH) obilježiće petu godišnjicu postojanja i puštanja u opticaj bosanskohercegovačke valute, konvertibilne marke.

Konferencija bi, prema ocjeni guvernera CBBiH **Petera Nicholla**, mogla dati i odgovore na pitanja da li postoje neki koraci koji mogu biti poduzeti i koji bi pomogli BiH na putu razvoja, a da ne podriju currency board aranžman, čiji su nastavak podržali domaći i

međunarodni zvaničnici.

Predviđeno je da se konferencija sastoji od četiri sesije. U okviru prve, bilo bi riječi o nastanku i petogodišnjem radu CBBiH. Druga sesija imala bi naziv "Currency board i fleksibilnost: Kontradikcija u izrazu ili realnost?", dok bi u okviru treće predstavnici centralnih banaka Estonije i Bugarske, u kojima uspješno funkcioniše currency board, govorili o vlastitim iskustvima s ovim aranžmanom. Posljednja sesija odnosila bi se na izabrane teme o modernim aranžmanima currency boarda.

Prisustvo ovoj, četvrtoj po redu međunarodnoj konferenciji koju

organizira CBBiH, potvrdio je veliki broj međunarodnih i domaćih zvaničnika, među kojima i predstavnici Međunarodnog monetarnog fonda **Warren Coats** i **Scott Brown**, Banke za međunarodna poravnanja **John Hawkins**, Evropske centralne banke **Aldabert Winkler** i **Arnaut Mehl**, predstavnici centralnih banaka Rumunije, Estonije i Bugarske, Centra za studije iz centralnog bankarstva, Njemačkog instituta za razvoj... Konferenciji će, kako se očekuje, prisustvovati i predstavnici međunarodnih organizacija u BiH, državni i entitetski zvaničnici, te istaknuti ekonomski stručnjaci.

Narastajući izazovi tržišta kapitala u BiH

Iskustva HVB banke na tržištima kapitala u centralnoj i istočnoj Evropi, investicijsko bankarstvo, te trgovina na berzama bili su tema dvodnevnog seminara za uposlenike Centralne banke BiH (CBBiH), održanog u prostorijama CBBiH u Sarajevu. Cilj seminara je bio informiranje uposlenika Banke o osnovama investicijskog bankarstva i najnovijim trendovima na finansijskim tržištima. Učesnike seminara je pozdravio viceguverner CBBiH **Ljubiša Vladušić**, koji je naglasio da su bogata iskustva HVB banke na polju investicijskog bankarstva dragocjena za uposlenike CBBiH, koji će se u budućnosti sve više susretati sa narastajućim izazovima tržišta kapitala u BiH čiji razvoj počinje. "Ovaj i drugi seminari, koje će pohađati

naši službenici, pomoći će nam da što spremnije dočekamo izazove finansijskih tržišta koji stoje ispred nas", kazao je viceguverner Vladušić.

Fokus predavanja je bio na upravljanju investicijama, što i predstavlja jedan od najjačih segmenata HVB grupe. Uposlenici CBBiH su se upoznali o različitim metodama učešća na tržištima kapitala, te iskustvima koja HVB ima u ovoj oblasti. Predavači su naglasili da HVB grupa veliki uspjeh na tržištima kapitala najviše duguje pažljivim analizama portfolia i adekvatnim upravljanjem rizikom, čime se smanjuje mogućnost špekulacija na tržištima kapitala i loših investicija. Učesnici na tržištima kapitala se, osim analiziranja mogućih investicija, bave i kretanjem tržišne

vrijednosti svojih dionica, te tako pokušavaju definirati svoj položaj u zoni rizika. Oni na raspolaganju imaju više tzv. "benchmark" testova koji služe za analizu uspješnosti rada investitora u odnosu na tržište. Predstavnici HVB grupe su naglasili da najvažniju ulogu u procesu odlučivanja igraju analitičari, čiji je zadatak da analiziraju koliko su promjene na tržištima uzrokovane stvarnim tržišnim razlozima, a koliko su na njih utjecale špekulacije. Naglašeno je da se samo kvalitetnom analizom procesa koji se odvijaju na tržištu mogu izbjeći investicijski promašaji, poput onih koji su rezultirali nedavnim padovima velikih telekomunikacijskih, energetskih i "dot-com" giganata. HVB grupa se bavi tržištima kapitala od 1987. godine.

POSJETE

Novoimenovani izvršni direktor MMF-a u posjeti našoj zemlji

U posjeti BiH krajem marta / ožujka boravili su novoimenovani izvršni direktor Međunarodnog monetarnog fonda (IMF) za BiH **Jeroen Kremers** i njegov savjetnik **Herman Litman** da bi se upoznali o aktuelnoj situaciji u BiH, provedbi ekonomskih reformi i realizaciji postojećeg Stand-by aranžamana za BiH. O ovim pitanjima, delegacija IMF-a razgovarala je sa najvišim državnim i zvaničnicima oba bh. entiteta, Centralne banke BiH (CBBiH), te sa predstavnicima nekoliko nevladinih organizacija u BiH. Posebno je razgovarano o ulozi



MMF-a u provedbi ekonomskih i drugih reformi. U razgovoru sa predsjedavajućim Predsjedništva BiH **Mirkom Šarovićem** konstatirano je da je prvi Stand-by aranžman bio namijenjen stabilizaciji odnosa, dok je drugi više strateški orijentiran i zbog

toga značajniji. Tokom susreta sa Šarovićem bilo je riječi o izboru novog Upravnog vijeća i guvernera CBBiH. Na dobru realizaciju Stand-by aranžamana ukazali su i članovi Vijeća ministara BiH, ministar vanjskih poslova **Mladen Ivanić**, ministrica financija i trezora **Ljerka Marić** i ministrica vanjske trgovine i ekonomskih odnosa **Mila Gadžić**. Delegacija MMF-a je razgovarala i sa čelnicima Federacije BiH i Republike Srpske, a tokom boravka u BiH upriličen je i susret sa članovima Upravnog vijeća CBBiH, guvernerom i viceguvernerima CBBiH.

Nova količina kovanica od dvije KM dopremljena u CBBiH



U Centralnu banku BiH (CBBiH) dopremljena je količina novih kovanica od dvije KM. Kovanje nove količine ovih kovanica obavljeno je u

skladu s Odlukom Upravnog vijeća CBBiH, a riječ je o pet miliona novih kovanica od dvije KM koje su kovane za potrebe održavanja apoenske strukture u novčanim tokovima.

Nove kovanice su zadržale postojeći izgled, s tim što je na njima, kao

godina proizvodnje, ukovana 2003. godina, a u opticaj će biti puštene prema potrebama i u skladu sa redovnom procedurom. Kovanje je obavila britanska kompanija Royal Mint, koja je 2000. godine vršila kovanje kovanica od jedne i dvije KM.

KAMATNE STOPE


Kretanja u 2002. i početkom 2003. godine

Početkom 2002. godine Centralna banka BiH je počela prikupljati podatke o prosječnim kamatnim stopama komercijalnih banaka u BiH. Ove kamatne stope su ponderisane

iznosom zajmova/uloga samo za nove zajmove u svakom datom mjesecu. Graf pokazuje relativna kretanja za četiri ključne kamatne stope i njihov kontinuirani opadajući trend u 2002.

godini, pa tako i u januaru/siječnju 2003. godine. Prosječne kamatne stope na kratkoročne kredite iznose 11,42 posto, dok dugoročni krediti koštaju 10,74 posto u prosjeku.

Kamatne stope komercijalnih banaka u %




— Kratkoročni krediti — Dugoročni krediti
— Depoziti po viđenju — Štedni i oročeni depoziti

Banke od 1. aprila/travnja neće prihvatati novčanice od 50 feninga

Centralna banka BiH (CBBiH) podsjeća građane da od 1. aprila/travnja 2003. godine komercijalne banke neće primati novčanice konvertibilne marke u apoeni od 50 feninga.

Od 1. januara/siječnja 2003. godine, novčanice od 50 feninga se ne koriste kao zakonsko sredstvo plaćanja u transakcijama, niti za

podmirivanje bilo kakvih obaveza.



Komercijalne banke su ih nastavile primati, a CBBiH ih je preuzimala od banaka. Ovo će trajati do 31. marta/ožujka 2003. godine, nakon čega novčanice od 50 feninga neće biti korištene nigdje u BiH.

Novčanice će biti zamijenjene kovanicama od 50 feninga koje ostaju u opticaju.

RAZGOVORI

Susret Dragana Čovića i Petera Nicholla


Član Predsjedništva BiH **Dragan Čović** razgovarao



Dragan Čović

je sa guvernerom Centralne banke BiH (CBBiH) **Peterom Nichollom** o pripremama za izradu Godišnjeg finansijskog izvještaja CBBiH za 2002. godinu. Razgovarano je i mogućnosti primjene amandmana na Zakon o

CBBiH kada je riječ o članu 36., jer bi na taj način, kako je



Peter Nicholl

rečeno, bio osiguran kontinuitet stabilnog poslovanja CBBiH. Nicholl je kazao da Izvještaj o sigurnosti CBBiH, koje je uradio Međunarodni monetarni fond (MMF), sugerira dvije promjene na Zakonu koje će dovesti do

učvršćivanja nezavisnosti CBBiH i modificiranja njenog internog rukovođenja. Naglašeno je da mandati članova Upravnog vijeća CBBiH, uključujući guvernera, završavaju u augustu/kolovozu 2003. godine. U tom kontekstu, Predsjedništvo BiH će imenovati nove članove Upravnog vijeća sa šestogodišnjim mandatom, u skladu sa Ustavom BiH. Čović je još jednom potvrdio opredjeljenje Predsjedništva BiH o potrebi osiguranja zakonitih i blagovremenih prijedloga za ova imenovanja, te da će imena kandidata biti objavljena tokom aprila/travnja 2003. godine.

IZLETI

Putovanje u Beč kao dio posjeta kulturnim i istorijskim sjedištima

Za službenike Centralne banke BiH (CBBiH), od 20 do 24.



marta/ožujka organiziran je izlet u Beč kao sastavni dio posjeta evropskim kulturnim i istorijskim sjedištima. Trodnevni aranžman je obuhvatao prevoz do odredišta i nazad, smještaj u hotelu, obilazak Beča i bečkog dvorca Šenbrun, zatim Opere, Parlamenta, te posjetu nacionalnom restoranu Heuriger-Grinzing. Preostalo vrijeme boravka proteklo je u šoping i posjetama velikim trgovačkim centrima, te zabavama i druženjima. Uz ocjenu da je putovanje bilo veoma interesantno i dobro organizirano, iskazana je želja za ponovnim organiziranjem putovanja, sličnom ovom u Beč.



ZAPOSŁJAVANJE

Preraspodjele radnih mjesta

U martu/ožujku 2003. godine nije bilo prijema novih, niti službenika koji su napustili Centralnu banku BiH (CBBiH). **Senad Hadžiomerović** je od 1. marta/ožujka 2003. godine sa radnog mjesta trezoriste u Odjeljenju trezora Centralnog ureda raspoređen na radno mjesto komercijaliste u Odjeljenju za zajedničke poslove Centralnog ureda. **Bogdan Zirojević** je od 1. marta/ožujka 2003. godine sa radnog mjesta likvidatora u Službi za trezorske poslove Glavne banke Republike Srpske CBBiH raspoređen na radno mjesto trezoriste u Odjeljenju trezora Centralnog ureda. Diplomirani ekonomista, pripravnik u Glavnoj jedinici Sarajevo **Bojan Čajić** privremeno je raspoređen u Odjeljenje za monitoring i analize od 1. marta/ožujka 2003. godine do raspoređivanja po položenom pripravničkom ispitu. Službenik **Maša Čengić**, diplomirani ekonomista, pripravnik u Odjeljenju za monitoring i analize, od 18. marta/ožujka do 30. septembra/rujna 2003. godine nalazi se na neplaćenom odsustvu. CBBiH ima 277 sistematizovanih radnih mjesta, a trenutno ima 251 zaposlenog službenika, od kojih je 250 u radnom odnosu na neodređeno vrijeme. Od ovog broja, jedan službenik se nalazi na neplaćenom odsustvu. U radnom odnosu na određeno vrijeme je jedan službenik. Od ukupnog broja službenika na neo-

dređeno vrijeme, osam ih je u svojstvu pripravnika, od kojih je jedan na neplaćenom odsustvu.

Za sedam pripravnika CBBiH pripravnički staž je skraćen i ističe 20. aprila/travnja 2003. godine, osim **Maši Čengić** za koju će o eventualnom skraćivanju pripravničkog staža biti odlučeno po dolasku sa neplaćenog odsustva.

Prema Programu obuke pripravnika u CBBiH, od 12. septembra/rujna 2001. godine, te prema Rasporedu obuke pripravnika, osim redovne obuke u organizacionoj jedinici, pripravnici **Tanja Vukić** i **Almira Žilić** su prošle i obuku u organizacionim jedinicama CBBiH. Za ostale pripravnike **Suzanu Kozinović**, **Dejana Kovačevića**, **Maju Tepavčević**, **Ines Đulabić** i **Bojana Čajića** obuka je u toku i traje do 3. aprila/travnja 2003. godine.

Maša Čengić će obuku kroz organizacione jedinice CBBiH proći prema posebnom rasporedu po povratku sa neplaćenog odsustva.

Kadrovska služba napominje da puni godišnji odmor za tekuću godinu može biti korišten u dva dijela, s tim da drugi dio može biti prenesen u narednu godinu i iskorišten najkasnije do 30. juna/lipnja naredne godine.

Istovremeno, podsjećaju se službenici da pravo na dio godišnjeg odmora iz 2002. godine, mogu ostvariti do 30. juna/lipnja 2003. godine.

EDUKACIJA

Seminari u Velikoj Britaniji i SR Njemačkoj

Ekonomista za procjenu tržišta I u Centralnoj Banci BiH - Glavna jedinica Sarajevo **Mediha Olovčić** prisustvovala je od 3. do 7. marta/ožujka seminaru pod nazivom "Monetarne operacije", koji je održan u organizaciji Banke Engleske. Viceguverner CBBiH **Kemal Kozarić** prisustvovao je međunarodnom sajmu o sigurnosnom sistemu plaćanja i inovativnim idejama za efikasne načine u

procesiranju novčanica u Hanoveru, Savezna Republika Njemačka. Sajam je održan 13. i 14. marta/ožujka. Ekonomski analitičar u Odjeljenju za ekonomska istraživanja CBBiH **Sandra Hlivnjak** učestvuje u radu seminara pod nazivom "Ekonomsko modeliranje i predviđanje". Seminar se održava od 30. marta/ožujka do 12. aprila/travnja, a organizator je Banka Engleske.

VIJESTI IZ GLAVNIH JEDINICA I FILIJALA

GBRS BANJA LUKA

U Privrednoj banci a.d. Doboj 3. marta/ožujka je uvedena privremena uprava, a za privremenog upravnika imenovan je **Miloš Stajić**. Služba za trezorske poslove uključena je u proces izrade uputstva i procedura o trezorskom poslovanju. I pored velikog priliva gotovog novca, redovno su izvršavani svi poslovi gotovinskih transakcija.

GJ MOSTAR

Na razini Glavne jedinice Mostar, u februaru/veljači je obrađeno 102.786 transakcija, od čega 101.039 transakcije žirokliringa i 1.647 transakcija RTGS-a. Koordinator Službe za trezorsko poslovanje GJ Mostar i član Komisije za izradu procedura i uputstava o trezorskom poslovanju u CBBiH sudjelovali su u radu komisije koja je u martu/ožujku održala šest sastanaka. Za službenike CBBiH je od 20. do 23. marta/ožujka organizirano putovanje u Beč na koje su iz GJ Mostar išla četiri službenika.

FILIJALA BRCKO

U okviru trezorskih poslova, u martu/ožujku 2003. godine bilo

je znatno više transakcija u odnosu na prethodni mjesec. U ovom mjesecu bilo je 176 transakcija, što je u odnosu na februar/veljaču 2003. godine više za 40,8 posto. Izlaz je bio neznatno veći, za 5,7 posto u odnosu na februar/veljaču. Tokom marta/ožujka, nastavljeni su poslovi statistike i unutrašnjeg platnog prometa u Filijali. Viceguverner CBBiH **Kemal Kozarić** posjetio je 31. marta/ožujka godine Filijalu CBBiH Brčko. Prilikom boravka u Brčkom, razgovarao je sa zamjenikom supervizora za Brčko **Gerhardom Sontheimom** i gradonačelnikom Brčko Distrikta BiH **Sinišom Kisićem**. Komisija za prijem radova, nakon završene investicije za izgradnju montažne garaže za potrebe Filijale, boravila je u Brčkom 31. marta/ožujka povodom prijema investicije. Rukovodilac CBBiH Filijale Brčko **Mirzeta Arnautović** prisustvovala je otvaranju Filijale UPI banke u Brčkom. Službenica **Jasmina Burić** učestvovala je u radu Radne grupe za izmjene i dopune Procedura o trezorskom poslovanju, dok je pripravnica **Almira Žilić** obavila dio pripravnčkog posla u Centralnom uredu CBBiH. U povodu 8. marta/ožujka, Dana Brčko Distrikta BiH, rukovodilac Filijale

Mirzeta Arnautović prisustvovala je prijemu koji je upriličio gradonačelnik Distrikta.

FILIJALA PALE

Agencija za bankarstvo Republike Srpske imenovala je privremenog upravnika u Privrednoj banci a.d. Doboj. Privremeni upravnik imenovan je na period od 60 dana, počev od 3. marta/ožujka. U periodu od njegovog imenovanja, depoziti u domaćoj valuti ne bilježe neke značajnije promjene, te su depoziti koje vodi Filijala Pale, u martu/ožujku povećani za sedam posto u odnosu na februar/veljaču. Prosječan saldo računa rezervi opao je za dva, a gotovina za 14 posto. Prosječan broj dnevnih transakcija prodaje i kupovine KM u ovom mjesecu opao je u odnosu na prethodni.

GJ SARAJEVO

Tokom marta/ožujka nastavljene su aktivnosti koje su planirane za prvi kvartal 2003. godine za Glavnu jedinicu Sarajevo. Izvršene su sve pripreme i Odjeljenju za računovodstvo su dostavljeni podaci koji se odnose na izradu godišnjeg obračuna. Nastavljeni su i poslovi koji se odnose na izmjenu internih procedura i uputstava sa posebnim naglaskom na trezorsko poslovanje. Održan je sastanak sa predstavnicima LT Gospodarske banke d.d. Sarajevo kao nove banke, nastale udruživanjem Gospodarske banke d.d. Sarajevo i LT Komercijalne banke Livno. Na sastanku je razgovarano o statusu nove banke, računu rezervi i obračunu obavezne rezerve. U ovom mjesecu, objavljen je i tender za adaptaciju poslovnog prostora, kupljenog za potrebe GJ Sarajevo, a odluka o izboru najpovoljnijeg ponuđača i početak radova očekuju se u aprilu/travnju.



Nova montažna garaža u Filijali Brčko



CENTRALNA BANKA BOSNE I HERCEGOVINE
Mjesečni bilans stanja (privremeni) od 28. februara/veljače 2003.
Objašnjenja

Mjesečni bilans stanja se izdaje da bi se obezbijedile informacije o radu Centralne banke Bosne i Hercegovine prema pravilu currency boarda i da bi se ponudile posebne informacije koje zahtjeva Zakon o Centralnoj banci Bosne i Hercegovine.

Neke posebne karakteristike bilansa stanja od 28. februara/veljače su:

Na dan 28. februara/veljače banka je zadovoljila obaveze pravila currency boarda kako to navodi član 31. Zakona. Stanje neto strane aktive prevazilazi njenu monetarnu pasivu u konvertibilnim markama (KM) za 122.159.006 KM. Ovo je prikazano u stavki neto devizna aktiva minus monetarna pasiva.

Devizna aktiva je sačinjena uglavnom od depozita koji se drže kod ino-banaka.

Bilans stanja također prikazuje kompoziciju držanja valuta tako što ih diferencira u EUR i ostale valute.

Bančini devizni depoziti donose prihod od kamata za Banku.

Monetarna pasiva je u najvećem obimu predstavljala obavezu Banke za KM novac u opticaju (1.761.880.717 KM) i rezervne depozite rezidentnih banaka (266.441.332 KM).

Kapital i rezerve odražavaju početni kapital i rezerve, dionice i akumulirane dobiti Banke od početka njenog rada 11. augusta/kolovoza 1997. godine.

Kao depozitar za članstvo Bosne i Hercegovine u MMF-u, Banka iskazuje u bilansu stanja MMF-ove račune 1 i 2 kao stranu pasivu, i čuva vrijednosne papire Vlade Bosne i Hercegovine vezane za članstvo. Istovremeno djelujući i kao fiskalni agent u ime Vlade u njenim odnosima sa MMF-om, Banka evidentira sredstva i obaveze Vlade vezane za članstvo na povjerilačkim računima odvojenim od bilansa stanja.

Konsolidacijom svih računa vezanim za članstvo Bosne i Hercegovine u MMF-u izračunava se obaveza kao neto članska pozicija od 240.723.990 KM.

Banka također vodi određene račune stranih valuta u smislu sporazuma između Vlade Bosne i Hercegovine i stranih vlada i finansijskih organizacija, kao i devizne račune državnih institucija i agencija za koje Banka djeluje kao agent. Kako ovi računi nisu niti aktiva niti pasiva CB BiH, oni nisu uključeni u gore navedeni bilans stanja. Ukupni iznos sredstava koja se drže na ovim računima je bio 179.626.842 KM.

Dalji upiti koji se tiču Mjesečnog bilansa stanja mogu se uputiti Odjelu za administraciju i finansije, Odjeljenje za računovodstvo u Sarajevu na tel. (33) 27 81 19, fax. (33) 27 82 94. Predstavnici medija mogu se obratiti Službi za odnose s javnošću na tel. (33) 27 81 23, fax. (33) 27 82 96.

Centralna banka Bosne i Hercegovine je neovisna monetarna institucija BiH i nema nikakvih organizacijskih veza sa bilo kojom poslovnom bankom.

CENTRALNA BANKA BOSNE I HERCEGOVINE
Mjesečni bilans stanja (privremeni) od 28. februara/veljače 2003.
(iznosi u KM ekvivalentima)


AKTIVA	Ukupan iznos	EUR	Ostale valute
Devizna aktiva	2.175.772.329	2.165.568.731	10.203.598
Gotovina	21.451.339	21.407.141	44.198
Kratkoročni depoziti	2.145.300.927	2.144.161.590	1.139.337
SDR u MMF-u	9.020.063	0	9.020.063
Ostala aktiva	75.888.072		
UKUPNA AKTIVA (1 + 2)	2.251.660.401		

PASIVA	Ukupan iznos
Monetarna pasiva	2.052.504.176
Valuta u opticaju	1.761.880.717
Kreditni bilans rezidentnih banaka	266.441.332
Kreditni bilans ostalih rezidenata	24.182.127
Obaveze prema nerezidentima	1.109.147
Ostala pasiva	9.783.931
Kapital i rezerve	188.263.147
UKUPNA PASIVA (3+4+5+6)	2.251.660.401

Neto devizna aktiva minus monetarna pasiva (1 - 3 - 4)	122.159.006
--	-------------


P.W. Nicholl
Guverner

Sarajevo (datum) 25.03.2003.


Jasmina Halilbegović
Glavni kontrolor